

Qishloq hayoti

2013 йил Обод турмуш йили

Қишлоқ ҳаёти

O'zbekiston Respublikasi ijtimoiy-iqtisodiy gazetasi www.qishloqhayoti.uz 2013-YIL 31-YANVAR, PAYSHANBA, 13 (8094)-son 1974-yil 1-yanvardan chiqq boshlagan Bahosi kelishilgan narxda.

Қашқадарё Вилояти



ОСМОНИМИЗ МУСАФФОЛИГИ ЙЎЛИДА

Мустақиллик йилларида мудофаа тизимида амалга оширилаётган изчил ислохотлар самарасида мамлакатимиз хавфсизлигини, сарҳадларимиз дахлсизлигини таъминлашга, халқимизнинг тинч ва осойишта ҳаётини ҳимоя қилишга қодир, ихчам ва профессионал мил-

лий армиямиз шаклланди.

Жануби-ғарбий махсус ҳарбий округка қаршли ҳарбий қисмда эл-юрт тинчлиги, осмонимиз мусаффолиги йўлида камарбаста, матонатли, фидойи ўғлонлар хизмат қилади. Ўз зиммасидаги шарафли ва муқаддас бурчни теран англаган офицер ва сер-

жантлар, аскарлар жанговар, маънавий-маърифий тайёргарликлар орқали ҳарбий билим ва салоҳиятини тинмай ошириб боришга интиладилар.

СУРАТДА: капитан Аслиддин Ҳамроев рафиқаси кичик сержант Умида Бойжонова ва қизи билан.

Жамшид НОРҚОБИЛОВ (ЎЗА) олган сурат.

САҲИФАЛАРДА:



МАҚСАДИ АНИҚ, ФУРУРИ БАЛАНД, БАРКАМОЛ АВЛОД

3

ДАСТУРНИНГ ИЖРОСИ – СОҲАНИНГ РИВОЖЛАНИШИ



9



ТАОМНИ КАНДАЙ ИДИШДА ТАЙЁРЛАГАН МАЪҚУЛ?

5

Қорақалпоғистон Республикаси

ЭГА БЎЛИШ МАСЪУЛИЯТИ

Бугун юртимизнинг қай бурчагига борманг, овул ва маҳаллаларимиз, шаҳару қишлоқларимиз кун сайин чирой очиб бораётганига, замонавий уй-жойлар, маҳалла гузарлари, савдо, ишлаб чиқариш ва хизмат кўрсатиш марказлари қурилаётганига, кўчаларимизни тўлдириб ҳаракатланаётган автомашиналарга кўзингиз тушади. Ҳаётдан мамнун ҳолда янги марралар сари интилаётган одамларга дуч келасиз. Жаннатмонанд юртимизнинг ҳар бир гўшасида, ҳар қадамда учрайдиган бу каби обод турмуш манзаралари кўнглимизни тоғдек кўтариб, бизни бунёдкорликка, эзгулик ва шукроналикка чорлайди. Жаҳон иқтисодийётида глобал молиявий-иқтисодий инқироз оқибатлари ҳамон сақланиб қолаётганига қарамасдан мамлакатимизда ўтган 2012 йилда барча соҳаларда жадал ўсиш суръатлари эришилди. Президентимизнинг 2012 йилда мамлакатимизни ижтимоий-иқтисодий ривожлантириш якунлари ҳамда 2013 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг мажлисидаги маърузасида бу яна бир марта эътироф этилди. Мухбиримиз Амударё тумани ҳокими, иқтисод фанлари номзоди Ражаббой ЙЎЛДОШЕВ билан ўтган йили туманда амалга оширилган бунёдкорлик ишлари, эришилган ютуқлар ҳамда келгусидаги устувор вазибалар хусусида суҳбатлашди.

— Юртбошимизнинг мазкур маърузасини тинглаб шундай хулосага келдикки, 2012 йил чиндан ҳам Ватанимиз тараққиётини янги босқичга кўтардиган йил бўлди. Хусусан, бизнинг туманимизда ҳам улкан ютуқ ва натижаларга эришилди. Биргина аграр соҳадаги муваффақиятларни таҳлил этганимизда ҳам буни ёрқин кўрамиз. Деҳқонларимизнинг йил бўйи фидойилик билан қилган меҳнатлари натижасида пахта, галла, сабзавот, полиз ҳамда бошқа экинлардан мўл ҳосил олинди.

Эришилган ютуқлар омили, аввало, заманимизнинг беҳимнат саховати, Президентимиз раҳбарлигида аграр соҳага қаратилаётган эътибор, соҳада амалга оширилаётган улкан ислохотлардир. Истиқлолимизнинг дастлабки йилларида “Деҳқон бой бўлса — юрт бой бўлади” деган ҳаётий ҳақиқат асосида қабул қилинган энг тўғри ечим — ерни ўз эгасига топшириш, деҳқоннинг моддий манфаатдорлигини ошириш орқали юрт дастурхони тўкин-сочинлигига эришиш гоёси бугун ўзини тўла оқлади.

Истиқлол шарофати билан юртимизда пайдо бўлган фермерлик ҳаракати бугунги кунга келиб қишлоқдаги ҳал қилувчи ижтимоий-сиёсий кучга айланиб бормоқда. Бугун фермерларимиз қишлоққа саноатни олиб кириш, кўп тар-

моқли хўжалик юритиш орқали тадбиркорлик ривожига ҳисса қўшиш каби иқтисодий масалалардан тортиб, қишлоқ аҳолисининг бандлигини таъминлаш ва даромадларини ошириш, худудларни обод қилиш каби ижтимоий масалаларга ҳам масъулият билан киришмоқдалар.

Президентимизнинг 2012 йил 22 октябрдаги “Ўзбекистонда фермерлик фаолиятини ташкил қилишни янада такомиллаштириш ва уни ривожлантириш чора-тадбирлари тўғрисида”ги Фармонида асосан фермерлик ҳаракатини янада такомиллаштириш, фермерларнинг ҳуқуқ ва ваколатларини кенгайтириш, қишлоқни ободонлаштириш ҳамда аҳоли турмуш фаровонлигини таъминлашдаги ролини кучайтириш вазибалари белгилаб берилди.

Эндиликда жойлардаги Фермерлар кенгашлари фермер хўжаликларини ташкил этиш ва қайта ташкил этиш, ерни ҳақиқий эгасига топшириш ва ундан самарали фойдаланишда жамоатчилик назоратини ўрнатиш, ер участкаларини узоқ муддатга ижарага бериш,

давлат ва хўжалик бошқаруви органлари томонидан фермер хўжаликларини ривожлантириш ва уларнинг фаолият кўрсатишига доир меъёрий-ҳуқуқий ҳужжатлар лойиҳаларини қабул

Биз ҳокимни вилоят ёки туманнинг эгаси деймиз. Эга деган сўз ўзбекчада жуда кенг ва чуқур маънони билдиради. Эга бўлиш — аввало, ҳамма нарсага жавоб бериш, масъулиятни ўз зиммасига олиш демакдир.

Ислон КАРИМОВ

қилиш билан боғлиқ ишларнинг бош ташаббускори бўладилар. Буларнинг барчаси фермерлик ҳаракатининг ва шу орқали аграр тармоқнинг янада ривожланиб, халқимиз турмуш фаровонлигини оширишга хизмат қилади.

Яқунланган 2012 йил Амударё тумани аҳолиси учун ҳам баракали келди. Қишлоқ хўжалиги соҳасидаги амалга оширилган ишлар натижасида 3573 қути ипак қўртдан 245 тоннага яқин пилла етказиб бериб, давлат режасини ортиги билан бажардик. Галлакорларимиз ҳам давлатга галла сотиш бўйича шартномавий режаларини Қорақалпоғистон Республикасида биринчи бўлиб бажариб, қабул маска-

нига 4630 тоннадан ортиқ сифатли галла топширдилар.

Пахтакорларимиз эса юксак “оқ олтин” хирмони бунёд қилиб, давлатга пахта сотиш бўйича шартномавий режаларини ортиги билан бажардилар. Мавсум давомида 45 минг тоннадан ортиқ сифатли пахта хомашёсини топширган туманимиз фермерлари орасидан гектаридан 40 центнердан зиёд ҳосил олган 20 нафар фермерларимиз Ўзбекистонимизда ишлаб чиқарилган автоуловларни сотиб олишлари учун имтиёзга эга бўлдилар.

Туманимиз деҳқонларининг бундай меҳнат зафарига асос бўлган муҳим омиллар ҳақида гапирганда, биринчи навбатда, мамлакатимизда ер унумдорлигини оширишга қаратилган амалий ишлар ҳақида тўхталиш лозим. Биргина кейинги 5 йилни олади-ган бўлсак, 2008-2012 йил-

лар давомида туманимиздаги 1218 километр узунликдаги коллектор-дренаж тармоқларининг қайта таъмирланиши,

тикланиши ва реконструкция қилиниши натижасида 30 минг гектардан ортиқ ерларнинг мелиоратив ҳолати яхшиланди.

Қолаверса, кейинги йилларда уруғчилик ва селекция масаласига катта эътибор қаратилиб, ҳар қайси ҳудуд учун қулай бўлган эртапишар ва касалликларга чидамли навларнинг етказиб берилиши, маҳсулот етиштиришда замонавий илм-фан ютуқларидан кенг фойдаланиш, жойлардаги инфратузилмалар — муқобил машина трактор парклари, ёнилғи мойлаш материаллари ва минерал ўғитлар билан таъминлаш шохобчалари, сув истеъмолчилари уюшмалари, биологаториялар ҳамда тижорат банкларининг фермер хўжаликларига сифатли хизмат кўрсатишига эришилаётди.

Халқимизда “Иш қуроли сознинг машаққати оз бўлади”, деган нақл бор. Ҳақиқатан ҳам, юқори унумли техника ва агрегатлардан фойдаланмай туриб, қишлоқ хўжалигида яхши самарадорликка эришиш мумкин эмас. Бу борада мамлакатимизда қишлоқ хўжалиги техникаларини фермерларга лизинг асосида бериш тизими йўлга қўйилгани айни муддао бўлди. Кейинги 3 йилда туманимиз фермерлари 18 дона юқори унумли ҳайдов трактори, 109 дона чопиқ ва 1 дона юк ташиш трактори, 18 дона дон ўриш комбайни ва бошқа кўплаб техника ҳамда агрегатларни лизинг ва кредит асосида олдилар. Натижада ушбу техникалар ёрдамида агротехник тадбирларни ўз вақтида бажариш орқали ҳосилга-ҳосил қўшилмоқда.

Энг қувонарлиси, бугунги фермер нафақат маҳсулот етиштирувчи деҳқон, балки уни қайта ишловчи саноатчи, ўз хўжалигида қўшимча хизмат турларини йўлга қўйиб, даромадини оширувчи тадбиркор, қишлоқ аҳолисига иш бериб, ўзи билан бирга унинг ҳам рўзгорини бут қилувчи мулкдорга айланди.

Амударёлик фермерлар пахтачилик ва галлачиликдан ташқари мева-сабзавот ва полиз экинларини етиштириш, чорвачилик, паррандачилик, асаларичилик, балиқчиликдан тортиб, ишлаб чиқариш, савдо ва хизмат кўрсатиш каби кўплаб соҳалар билан шуғулланиб, иқтисодийётимиз ривожига ҳисса қўшмоқдалар. Ҳар бир ютуғини юрт номи билан боғлайдиган, ўз тараққиётини Ватан тараққиёти деб биладиган ана шундай захматкаш фермерларимиз, бободоҳқонларимизга доимо омад ва зафарларимиз ёр бўлишини тилаймиз. Улар бор экан, эркин ва обод Ватанимиз гуллаб-яшнайдди, халқимиз фаровон яшайди, турмушимиз янада обод бўлади.

“Qishloq hayoti” мухбири Давуд АБИБУЛЛАЕВ суҳбатлашди.



СИФАТЛИ ВА БЕЖИРИМ

Фарғона шаҳридаги “Ўзсаламан” Ўзбекистон-Германия қўшма корхонасининг сифатли пойабзаллари истеъмол бозорида харидорғир.

Маҳаллийлаштириш дастури асосида йигирмага яқин турда пойабзал ишлаб чиқарилаётган корхона маҳсулотларига талаб тобора ортиб бормоқда. Сабаби, улар — сифатли ва бежириш, рақобатбардош ва нисбатан арзон.

СУРАТДА: ишчи Хамрохон Умарова ва мутахассис Элёр Мамадалиев. Муқимжон ҚОДИРОВ (ЎЗА) олган сурат.

Жиззах Вилояти

ЙИҚИЛГАНДА СУЯНГАЛИ МАДАД КЕРАҚДИР ИНСОНГА

Ўзбекистон Республикаси Олий Мажлиси Сенатининг “Ўзбекистон Республикаси Конституцияси қабул қилинганлигининг йигирма йиллиги муносабати билан амнистия тўғрисида”ги Қарори халқимиз томонидан юртимизда инсон азиз ва муқаррамлигининг яна бир ифодаси сифатида қабул қилинди. Бу кўплаб қишлоқ ва маҳалла фуқаролар йиғинлари, ҳуқуқ-тартибот идоралари ва меҳнат жамоаларида ўтказилаётган турли тадбир ва йиғилишларда эътироф этилмоқда. Шундай тадбирлардан бири Мирзачўл тумани прокуратураси ва ички ишлар бўлими ҳамкорлигида ташкил этилди.

Унда иштирок этганлар Ватанимиз мустақиллиги туфайли халқимиз эркин меҳнат қилиб, бахтли-фаровон турмуш кечираётгани, инсонлар ўртасида тенглик ва тотувлик, юртимизда тинчлик ва осойишталик тобора мустаҳкамланиб бораётгани ҳақида гапирди.

Тадбирда тумандаги амнистия шарофати билан 15 нафар жазодан озод этилганлар иштирок этишган бўлса, 12 нафар фуқаронинг жазо муддатлари қисқартирилганлиги таъкидланди.

— Қилган жиноятим учун муносиб жазога тортилган эдим, — дейди Тошкент қишлоқ фуқаролар йиғини худудиди яшовчи Шавкат Оролов. — Шундай бўлса-да, айбимни кечириб, ҳаётда ўз ўрнимни топишим учун ёрдам бераёт-

ган давлатимиздан, ҳол сўраб турган ҳуқуқ-тартибот идоралари ходимларидан миннатдорман. Уларнинг кўмаклари билан илгариги механизаторлик касбимга ишга жойлашдим. Бу илтифотлар жамиятимизда эътибордан четда қолган киши йўқлигини кўрсатиб турибди.

— Жазодан озод этилганлар бундан кейин ҳам эътибордан четда қолмайди, — дейди туман прокурори ёрдамчиси Отабек Бойбеков. — Туман тиббиёт бирлашмаси ва ҚВП шифокорлари уларнинг саломатликларини назорат қилиб боришади, тегишли ёрдамларини аяшмайди. Муҳими, авф этилганларнинг ўз хатосини тушуниб, кўпчилиқ қатори ҳалол яшаш йўлини тутиб кетишларида.

Тозагул АЛЛАНАЗАРОВА

Самарқанд вилояти

МАҚСАДИ АНИҚ, ГУРУРИ БАЛАНДА БАРКАМОЛ АВЛОД

МАМЛАКАТИМИЗДА БОЛАЛАР СПОРТИГА ҚАРАТИЛАЁТГАН ЭЪТИБОРДАН КЎЗЛАНГАН МАҚСАД ЧЕМПИОНЛАР ЕТИШТИРИБ ЧИҚАРИШ, ШОДА-ШОДА МЕДАЛЛАР ЭМАС, БАЛКИ СПОРТНИ ОШНО БИЛГАН, УНДАН ҲАЁТНИНГ САБОҚЛАРИДАН, ҚИЙИНЧИЛИКЛАРИДАН ЎТИШДА ҚУВВАТ ОЛА БИЛАДИГАН, МАҚСАДИ, ЭРКИ, ГУРУРИ ВА ВАТАНИНИ КЎЗ ҚОРАЧИФИДЕК АСРАЙ ОЛАДИГАН ИРОДАЛИ, ҲАМ ЖИСМОНАН, ҲАМ МАЪНАН БАРКАМОЛ АВЛОДНИ ТАРБИЯЛАШДИР

Узоқни кўзлаб иш тутиш, фарзандини ўзидан кўра бахтли ва фаровон ҳаёт кечириши, камоли учун қайғуриш каби хислатлар халқимизнинг қониқонига сингиб кетган. Юртбошимиз раҳнамолигида соғлом ва баркамол авлодни вояга етказиш борасида амалга оширилаётган саъй-ҳаракатлар замирида ҳам ана шундай эзгу мақсадлар мужассам. Буни мамлакатимизда болалар спортини ривожлантириш, янги спорт иншоотларини барпо этиш мисолида ҳам яққол кўриш мумкин.

Болалар спортини ривожлантириш борасида вилоятимизда бир қатор ижобий ишлар амалга оширилмоқда, — дейди Ўзбекистон Болалар спортини ривожлантириш жамғармаси Самарқанд вилояти филиали раҳбари Фурқат Ҳожиёв. — 2003-2012 йиллар давомида жамғарма маблағлари ҳисобидан 24 та замонавий спорт мажмуаси ва 17 та болалар мусиқа ва санъат мактаби қад ростлади. Бундан ташқари, умумтаълим мактабларида юзга яқин спорт заллари қурилди ва 25 тадан ортиқ спорт иншоотида капитал таъмирлаш ҳамда реконструкция ишлари амалга оширилди. Биргина 2012 йилда жамғарма томонидан вилоятнинг турли ҳудудларида олти мусиқа ва санъат мактаблари ҳамда умумтаълим мактабларида етти та спорт зали барпо этилди. Каттақўрғон шаҳрида замонавий сузиш ҳавзаси бунёд этилди. Жомбой, Иштихон ва вилоятнинг энг чекка ҳудуди ҳисобланган Қўшрабат туманидаги спорт иншоотлари бугунги кун талаблари даражасида реконструкция қилинди. Ушбу бунёдкорлик юмушлари учун жамғарма ҳисобидан 16 миллиард 300 миллион сўм маблағ сарфланди.

Жамғарма томонидан нафақат янги барпо этилган спорт мажмуаларини жиҳозлаш, балки ўрта махсус касб-хунар таълими муассасалари, маҳалла фуқаролар йиғинлари ҳамда вилоятдаги спорт федерацияларига ҳам зарур спорт анжомлари етказиб берилмоқда.



Жумладан, Пастдарғом туманидаги Галатут, Пахтачи туманидаги Зиёвуддин ва Жомбой туманидаги Каттақишлоқ маҳалла фуқаролари йиғинлари ҳудудида тегишли дастур асосида болалар спорт майдончалари ташкил қилиниб, зарур жиҳозлар билан таъминланди. Қисқача айтганда, вилоятда шу пайтгача қуриб фойдаланишга топширилган спорт иншоотларига жамғарма томонидан бир миллиард 703 миллион сўмлик қўшимча спорт анжомлари ва ускуналари етказиб берилди.

Вилоятдаги шаҳар ва туманлардаги болалар ва ўсмирлар спорт мактаблари, спорт мажмуалари ва умумтаълим мактабларида қизлар учун махсус қўшимча спорт тўғараклари фаолияти йўлга қўйилган. Хотин-қиз мураббийларни тайёрлаш ва малакасини ошириш учун вилоятдаги олий ўқув юртлари, спорт йўналишидаги коллежлар ва олимпия захиралари тайёрлаш марказларида махсус курслар ташкил қилинди.

Айни пайтда вилоятнинг ҳар бир шаҳар ва туманида бадий гимнастика марказлари ташкил этилган. Бу марказлар жамғарма томонидан барча зарурий спорт анжомлари билан таъминлангани боис, қизларимиз бемалол бадий гимнастиканинг ўзларига ёққан йўналиши бўйича шуғулланишлари мумкин. Жумладан, 2012 йилнинг ўзида жамғарма томонидан ушбу марказларга 85 миллион сўмликдан зиёдроқ гимнастика гиламлари ва зарур спорт жиҳозлари етказиб берилди. Бир юз қирқ нафардан зиёд мураббий ҳамда бадий гимнастикачи ўқувчи қизларга 30 миллион сўмлик спорт кийимлари тарқатилди. Бу каби саъй-ҳаракатлар ва яратилаётган шароитлар натижасида спорт билан шуғулланаётган ўқувчи қизлар сони йил сайин ортмоқда.

Бугунги кунда вилоят халқ таълими тизими муассасаларида таълим олаётган 246 минг нафардан зиёдроқ қизларнинг 112 минг нафардан ортиғи

спорт билан мунтазам равишда шуғулланиб келмоқда. Табиийки, қизларнинг турли спорт мусобақаларида қўлга киритаётган ютуқлари ҳам салмоқли бўлмоқда. Мисол учун ўтган йили жамғарма томонидан ўқувчилар ўртасида ўтказилган турли мусобақаларда беш юз нафардан зиёдроқ қизлар иштирок этиб, совринли ўринларга сазовор бўлди. Ушбу қизларнинг ярмидан кўпроғи қишлоқ мактаблари ўқувчиси эканлиги сарфланаётган маблағ ва эътибор ўзини оқлаётганидан далолатдир.

Болалар спортини ривожлантириш ва оммалаштириш борасидаги эзгу ишлар жорий йилда янада кенг қўлама касб этмоқда. Шу йилнинг охиригача вилоят бўйича бешта мусиқа ва санъат мактаби, етти та спорт зали ва битта замонавий спорт мажмуаси фойдаланишга топширилиши, шунингдек, иккита болалар ва ўсмирлар спорт мактаби капитал реконструкция қилиниши кўзда тутилаётир.

Биз кеска авлод ҳозирги яратилаётган шароитларни ҳатто орзу ҳам қила олмаганмиз, — дейди “Нуроний” жамғармасининг Самарқанд вилояти бўлими раиси Ҳасан Нормуродов. — Бугун энг чекка қишлоқларда ҳам барпо этилган мухташам спорт иншоотлари ва уларда шуғулланаётган болаларни кўриб, ҳавасимиз келади. Фарзандларимиз биздан бахтли ва фаровон яшаётгани учун шукрона айтаман. Президентимиз таъкидлаганидек, болалар спортига қаратилаётган эътибордан бош мақсад чемпионлар етиштириб чиқариш, шода-шода медаллар эмас, балки спортни ошно билган, ундан ҳаётнинг сабоқларидан, қийинчиликларидан ўтишда қувват ола биладиган, мақсади, эрки, гурури ва Ватанини кўз қорачиғидек асрай оладиган иродали, ҳам жисмонан, ҳам маънан баркамол инсонларни тарбиялашдир.

Ақбар ҚАРШИЕВ,
“Qishloq hayoti” мухбири.

Навоий вилояти

ЯРАТИЛГАН ИМКОНИАТЛАР УЛКАН ЮТУҚЛАРГА ЧОРЛАЙДИ

Навоий вилоятида кейинги ўн йил мобайнида 69 та спорт иншооти барпо этилди. Айниқса, ўтган 2012 йил бу жабҳада улкан бунёдкорлик ишлари ва янгиланишларга бой бўлди. “Умид ниҳоллари – 2012” спорт мусобақаларининг республика финал баҳсларига мезбонлик қилган вилоят маркази ҳақиқий “Олимпиада шаҳарчаси”га айланди. 14 гектар майдонда мухташам “Ёшлар спорт мажмуаси”, бадий ва спорт гимнастика заллари, ўн минг томошабинга мўлжалланган замонавий стадион барпо этилди. Чекка туманларнинг ўзида олти та спорт иншооти қурилиб, фойдаланишга топширилди. Хатирчи, Конимех, Навбахор туманларида спортнинг волейбол, баскетбол, футбол, бадий гимнастика, кураш турларига ихтисослашган заллар, сузиш ҳавзалари бунёд этилди.


— Президентимизнинг 2002 йил 24 октябрдаги “Ўзбекистон Болалар спортини ривожлантириш жамғармасини тузиш тўғрисида”ги ҳамда 2004 йил 29 августдаги “Ўзбекистон Болалар спортини ривожлантириш жамғармаси фаолиятини такомиллаштириш чора-тадбирлари тўғрисида”ги Фармонларининг қабул қилиниши юртимизнинг барча ҳудудларида бўлгани сингари Навоийда ҳам спорт соҳасида ижобий ўзгаришлар сари йўл очди, — дейди Ўзбекистон Болалар спортини ривожлантириш жамғармаси Навоий вилояти филиали раҳбари Алишер Фозилов. — Натижада жойларда кўплаб спорт мажмуалари қад ростлади, улар

энг замонавий спорт инвентарлари билан жиҳозланди. Болалар спортига қаратилаётган юксак эътибор ва ғамхўрликнинг ёрқин ифодасини нафақат шаҳарларда ёки туманлар марказларида, балки энг чекка қишлоқ ҳамда овулларда ҳам барпо этилаётган спорт масканлари мисолида кўриш мумкин.

Масалан, Конимех туманидаги Янгиғазгон овулида кўркам спорт маскани бунёд этилди. Бу эса овулдаги 5-умумтаълим мактаби ўқувчиларининг спортга бўлган ҳавас ва қизиқишларини ошириб, уларнинг жисмоний тарбия ва спорт билан мунтазам шуғулланишлари учун кенг имконият яратди.

— Болалар бўш вақт топил-

ди дегунча, шинам спорт залига ошиқади, — дейди мактаб директори Ибо Наризова. — Илгари ўқувчилар мактаб ҳовлисидаги стадионда, фақат кулай об-ҳаводагина спорт билан шуғулланишар эди. Энди эса энг замонавий спорт анжомлари билан жиҳозланган спорт иншооти улар хизматида. Бу ерда бадий гимнастика тўғараги ташкил этилиши ўқувчи қизларимиз учун аниқ муддао бўлди. Ўйламанки, спортнинг бу турига меҳр қуйган қизларимиз ҳадемай нуфузли мусобақалар иштирокчиларига айланишади. — Вилоятимиздан Ульяна Трофимованинг халқаро мусобақалардаги иштирокини кўриб, бадий гимнастикага бўлган



иштиёқим янада ортди. Мактабимизда барпо этилган янги спорт зали орзуларим ушалишида мен учун катта имкониятдир, — дейди мазкур мактаб 4-синф ўқувчиси Назирке Турбаева. — Ўқишдан бўш вақтларимда гимнастика машғулоти билан шуғулланаман. Барча машқларни пухта ўзлаштиришимизда мураббийларимиз ўғитларини аяшмаяпти. Залда энг замонавий спорт анжомларининг мужассамлиги машғулотларимизнинг янада самарали бўлишида муҳим аҳамият касб этмоқда.

Айтиш керакки, замонавий спорт объектлари бунёд этилаётган манзилларда ёшларнинг вақти беҳуда сарфланма-

япти. Ҳар бир бола ўзи севган спорт тури билан машғул. Ёшларимиз ўзларига билдирилган ишонч, яратилган юксак имкониятларни сидқидилдан ҳис этишмоқда.

Жорий йилда ҳам замонавий спорт иншоотларини бунёд этиш ишлари изчил давом эттирилади. Жумладан, Томди, Нурота, Хатирчи, Учқудуқ туманларидаги тўртта умумтаълим мактабида спорт заллари ва учта туманда болалар ва ўсмирлар спорт мактаблари янгидан барпо этилиши, мавжудларида реконструкция ишлари амалга оширилиши режалаштирилган.

Абдурашул САТТОРОВ,
“Qishloq hayoti” мухбири.

ТАОМНИ ҚАНДАЙ ИДИШДА ТАЙЁРЛАГАН МАЪКУЛ?

Рўзгорда таом тайёрлаш ва уни истеъмол қилишда турли идишлардан фойдаланамиз. Жумладан, ёғоч, елим, тунука, мис ва ҳоказо. Таомнинг мазаси тайёрланаётган идиш турига боғлиқлигини кўпчилигимиз яхши биламиз. Ота-боболаримиз ўзлари фойдаланаётган идиш-товокларнинг фойдали хусусиятлари ҳақида ҳам жуда яхши билишган. Умуман беморларга ёки соғлом одамларга тайёрланаётган доривор ичимлик ва овқатларнинг фойдалилиги қандай идишда тайёрланаётганлиги ҳам муҳим аҳамиятга эга. Ошхона анжомлари бўлган идиш-товокларни қандай танлаш лозим?



ЁҒОЧ ИДИШ-ТОВОҚЛАРНИНГ ФОЙДАСИ КАТТА

Ёғоч идишлар асосан ўрик, заранг, ёнғоқ, чинор, жўка, тут дарахтларидан тайёрланади. Момоларимизнинг айтишларича, уларда сақланган озиқ-овқат маҳсулотлари узоқ вақт фойдали хусусиятларини йўқотмайди.

Мутахассисларнинг таъкидлашича, ёғочда ошловчи моддалар кўп бўлиб, микроблар кўпайишига йўл қўймайди. Шу туфайли унда сақланган маҳсулот тез айнимайди, балки инсон учун кўпгина фойдали витаминлар билан бойида. Яъни ёғочдаги шифобахш кувват егулик орқали инсонга ўтади. Жумладан, тол товоқда ош, шилпилдоқ ёки бошқа таомлар ейилса, ундаги бироз тахир лекин ёқимли таъм овқатга ўтиб одам иштаҳасининг очишига ёрдам беради. Ўрик ва ёнғоқ дарахтларидан ишланган идишлар ҳам жуда фойдалидир.

Мева ёки доривор гиёҳ ёғоч қошиқдан фойдаланилган ҳолда эзилса, витаминлар парчаланмайди, асосийси, зарарли ишқорлиниш юз бермайди. Хўл меваларни эса дарахт новдаларидан тўқилган саватда сақлаш мақсадга мувофиқ. Ҳали қошиқлар унча урф бўлмаган пайтларда боболаримиз таомни қўлда истеъмол

қилишган. Албатта, бунинг ҳам ўзига хос афзаллик жиҳатлари кўп. Бармоқларимиз учларида жуда кўп нерв тугунлари жойлашган бўлиб, улар овқатнинг қанчалик иссиқ ёки совуқлигидан миямизга маълумот жўнатиб, овқатни тановул қилишга организмимизни тайёрлайди.

Ҳатто янги туғилган чақалоқларни чўмилтиришда ҳам ёғоч чўмичлар фойдалидир. Агар у жўка дарахтидан ишланган бўлса, яна ҳам яхши. Чунки дарахт ёғочни барча фойдали хусусиятларини сувга чиқаради. Бу эса гўдак организми учун кони фойда. Ҳозирда ҳам ота-боболаримиздан мерос бўлиб келаётган ёғоч идишларда доривор гиёҳларни майдалаш, толқон қилиш, сумалакнинг бугдойини эзиш учун қўлаки, ёғоч ўғир (келичаклар), қатиқнинг сариёғини ажратиш олиш учун ёғоч қувилардан фойдаланишади.



Алюмин идишлар зарарлими?

Биз ҳозиргача алюмин идишлардан фойдаланамиз. Энди эса булар соғлиққа зарарлиги таъкидланмоқда.

Нима учун? Аниқланишича, алюмин идишларда нордон ва ўткир таомлар тайёрланса ва сақланса, ундан зарарли моддалар ажралиб чиқади. Оз миқдордаги кислота ҳам иситилганда алюминни бузади. Шунинг учун бундай идишларда ҳеч қачон озиқ-овқат сақлаб бўлмайди.

Текширувларга кўра, металл идиш инсон ҳаёти учун ўта хавфли экан. Биринчидан, кам миқдорда ошқозон-ичак тизимига тушиб, йиллар давомида йиғилиб, жигар ва буйрақларни ишдан чиқаради. Иккинчидан, бундай қутидаги зарарли консервант одамнинг гормонал тизимига салбий таъсир кўрсатади. Шунингдек, идиш оғзида кўп кир тўпланиб, ичимлик билан бирга одам оғзига тушади.

Алюмин идишлар қулай – синмайди, пиширилган овқат тагига олмайди. Аммо алюминда сутли таомлар, масалан, ширгуруч тайёрланганда алюмин оз миқдорда бўлса ҳам таом таркибига ўтиб қолади. Гап шундаки, сут қайнаётганда металл билан ишқор реакцияга киришади ва овқат металл билан «тўйинади». Шунингдек, алюмин идишларда сабзавот қайнатиш ҳам тавсия этилмайди. Олимларнинг фикрича, ишқорланган сувдаги алюминий бир қатор хасталикни келтириб чиқаради.



«ОШ ҚУРОА»НИНГ СОЗ БЎЛСА...

Ошхона анжомларига сифатли, зангламайдиган пўлат, сирланган идишлар, иссиқ сақловчи шиша ва чинни идишлар, чўян идишлар ва ёғоч идишлардан (тол, ўрик, тут ва ёнғоқдан ишланган қошиқ ва коса – товоқлардан) фойдаланиш мақсадга мувофиқ.

Зангламайдиган пўлат: сўнги пайтларда бундай идишлар кенг урфга айланди. Улар бутунлай хавфсиз бўлиб, овқат тайёрлашда ўзидан ҳеч қандай захарли моддалар ажратмайди. Лекин идишлар никелланган бўлгани учун аллергияни чақириши мумкин. Шунинг учун идиш сотиб олишдан аввал оилангизда ҳеч ким аллергия билан хасталанмаганлигини эътиборга олинг!

Сирланган идишлар: овқат тайёрлаш, озиқ-овқат маҳсулотларини сақлаш учун ҳам жуда қулай, айниқса, тузламалар яхши сақланади. Ягона камчилиги шундаки, сирланган идишнинг нозик қопламаси беҳосдан урилганда тезда кўчиб кетиши мумкин.

Иссиқ сақловчи шиша ва чинни идишлар: бундай идишлар овқат тайёрлашда бутунлай хавфсиздир. Ҳар бир бека ошхонасида шундай идишлар бўлишини хоҳлайди. Афсуски, сифатли шиша ва чинни идишларнинг нархи арзон бўлмайди. Агар бу идишларнинг металл қисми бўлмаса, бемалол микротўқинли печларда овқат тайёрлаш учун ишлатиш мумкин.

Чўян идишлар: чўян идишларда димланган таомлар тайёрлаш мақсадга мувофиқ. Бу идишларда тайёрланган овқатлар тагига олмайди.

Полимер қатламли идишлар: бундай идишлар юқори ҳароратда ўзидан захарли модда чиқаради. Қулайлиги шундаки овқат пиширганда тагига олмайди. Бу идишдан фойдаланганда ёғоч чўмич ва ёғоч капгир ишлатиш керак, темир асбоблар идишни тирнаб сифатини бузади ва яроқлилик муддатини камайтиради.

Елим идишлар ҳам хавфли: Сув қадоқланган елим идишларда ҳам репродуктив тизимга озор етказувчи экстроген моддалар мавжуд экан. Шу боис, кейинги пайтда шифокорлар елим идишлардан имкон қадар камроқ фойдаланишни, айниқса, елим идишларга қадоқланган маъданли сувларни камроқ ичишни маслаҳат беришмоқда.

Акмал СОАТОВ тайёрлади.

Ошиқчоғингиз қулай бўлсин



Ошхонада ёғоч дастали пичоқлардан фойдаланинг. Улар қулай ва мустаҳкам бўлиб, узоқ муддат ишлатасиз. Шунингдек, пластмасса ва темир дастали пичоқлар ҳам бор. Маълумки, пластмасса тез синиб қолади. Темир эса оғир бўлиб, ишлатганда ноқулайлик туғдиради.

Одатда пичоқ тиғи зангламайдиган пўлатдан тайёрланади. Ўтмас пичоқ қўл кесар, деганидек, сифатсиз ашёдан тайёрланган пичоқларни сотиб олманг, улар тез ўтмаслашиб, кўп эътибор талаб этади. Дандон сопли пичоқлар махсус ясалади ва асосан совға учун сотиб олинади. Яна қора керамикадан тайёрланган пичоқлар бўлиб, улар биз учун янгилик ҳисобланади. Бу хомашёдан тайёрланган пичоқлар ҳеч қачон ўтмаслашмайди ва ўз мустаҳкамлиги билан ажралиб туради.

ТЕНДЕРДА ИШТИРОК ЭТИШ УЧУН ТАКЛИФ: ҚИШЛОҚЛАРНИ КОМПЛЕКС РИВОЖЛАНТИРИШ УЧУН НАМУНАВИЙ УЙ-ЖОЙ ҚУРИШ ДАСТУРИ НІРД 2013 - 02

Тендер эълон қилинган сана: 2013 йил 30 январь

Тендер таклифларни тақдим этиш учун
сўнгги сана: 2013 йил 22 февраль соат 12:00

1. Ўзбекистон Республикасига Қишлоқларни Комплекс Ривожлантириш учун Намунавий Уй-жой Қуриш Дастури (ҚҚР) бўйича харажатларни молиялаштиришга Осиё Тараққиёт Банки (ОТБ) томонидан кредит тақдим этилган. Бу кредитнинг маълум қисмидан юқорида тилга олинган шартнома бўйича тўловларни қоплаш учун фойдаланилади. Шу сабабли, ушбу шартномалар юзасидан амалга ошириладиган харидларда ва уларнинг ижро этилишида Кредит ажратиш тўғрисидаги келишув ва Осиё Тараққиёт Банкнинг Харидлар бўйича Кўрсатмалари қоидалари ва шартларига қатъий риоя қилиниши лозим. Танлов савдолари ОТБнинг малака шартларига мувофиқ келадиган мамлакатлар иштирокчилари учун очикдир.

2. Ҳуқуқий ваколатга эга бўлган тендер иштирокчилари қуйидаги санаб ўтилган ҳар бир тендер пакетлари учун муҳрланган танлов таклифлари киритишлари мумкин. Тендерда фақатгина тегишли тартибда давлат қонунчилигига кўра рўйхатга олинган Пудратчилар ва мазкур Тендер ҳужжатининг 3-қисмида кўрсатиб ўтилган баҳолаш ва малака мезонларига жавоб берадиган ҳуқуқий лаёқатли тендер иштирокчилари қатнашишлари лозим. Тендер иштирокчилари тендерда қатнашиш юзасидан тўлақонли қарор қабул қилишлари учун тендер ҳужжатлари билан танишиб чиқишлари тавсия этилади.

3. Қўшимча маълумотлар олиш ва тендер ҳужжатларини кўздан кечириш мақсадида тендер иштирокчилари Тендер ташкилотчилари — Қурилишда танлов савдолари ва нархларни шакллантириш ҳудудий консалтинг марказларининг тегишли бўлимларига мурожаат қилишлари мумкин:

Андижон филиали. Манзил: Андижон шаҳри Чинобод кўчаси 59-уй. Тел: (8374) 226-72-02 Факс: (8374) 226-72-02	Бухоро филиали. Манзил: Бухоро шаҳри Навоий шоҳ кўчаси 5-уй. Тел: (8365) 223-96-29 Факс: (8365) 223-97-51	Жиззах филиали. Манзил: Жиззах шаҳри Ш.Рашидов кўчаси 63-уй. Тел: (8372) 226-14-66 Факс: (8372) 226-70-47
Навоий филиали. Манзил: Навоий шаҳри Гвасалия кўчаси 2а-уй. Тел: (8436) 225-47-98 Факс: (8436) 225-49-96	Қашқадарё филиали. Манзил: Қарши шаҳри Хонобод кўчаси 46а-уй. Тел: (8375) 224-05-24 Факс: (8375) 224-09-06	

4. Тендер ҳужжатларининг рус тилидаги нусхасини сотиб олиш учун тендер иштирокчилари тендер ташкилотчиларининг юқоридаги манзилда жойлашган тегишли ҳудудий бўлимлари билан боғланишлари ёки ёзма мурожаат қилишлари мумкин бўлиб, 65 000 сўм миқдоридаги кейинчалик қайтариб берилмайдиган пул тўланганлиги тўғрисидаги паттани илова қилишлари лозим. Тендер ҳужжатининг 6-қисми иловаларидан ташқари қолган барча қисмлари билан танишиб чиқиш учун ўзбек тилида мавжуд бўлса-да, ҳамма шартномалар рус тилида имзоланади. Тендер ўтказиш тили рус тили ҳисобланади.

5. Кейинчалик қайтариб берилмайдиган пул тўлови тендер ташкилотчиларининг — Қурилишда танлов савдолари ва нархларни шакллантириш ҳудудий консалтинг Марказларининг тегишли бўлимлари банк ҳисобрақамларига ўтказилиши лозим. Банк ҳисобрақами реквизитлари қуйида келтирилган:

Андижон филиалининг банк ҳисобрақами Банк: АТИБ "Ипотека банк" Андижон филиали ИНН: 202453348, х/р: 20212000003649944001 ОКОНХ: 84500	Бухоро филиалининг банк ҳисобрақами Банк: АТИБ "Ипотека банк" "Сардор" филиали ИНН: 202435424, х/р: 20210000903550909001 ОКОНХ: 84500
Жиззах филиалининг банк ҳисобрақами Банк: ТИФ "Миллий банк" Жиззах ш. ИНН: 202411803, х/р: 20210000303757189001 ОКОНХ: 84500	Навоий филиалининг банк ҳисобрақами Банк: АТИБ "Ипотека банк" Навоий филиали ИНН: 202615785, х/р: 20210000803903946001 ОКОНХ: 84500
Қашқадарё филиалининг банк ҳисобрақами Банк: ОАТБ "Ўзсаноатқурилишбанк" Қарши филиали. ИНН: 202453632, х/р: 20210000903823711001 ОКОНХ: 84500	

6. Тендер таклифлари киритиш учун талаб қилинадиган ҳужжатлар шакллари Танлов иштирокчилари учун йўриқномаларда (ТИЙ) — Тендер ҳужжатларининг 1-қисмида берилган. Тендер таклифлари кейинги хатбошиларда батафсил санаб ўтилган Тендер таклифи хати ва барча ҳужжатларни ўз ичига олиши шарт. ТИЙнинг 11-бандида белгиланганидек, Техник ва Нарх таклифлар иккита алоҳида конвертларга солиниб, Тендер таклифи хати билан биргаликда ягона ташқи конвертга жойлаштирилиб, муҳрланади.

7. Техник танлов таклифи ТИЙнинг 11.2-бандида келтирилган ҳужжатларни ўз ичига олиши керак:
- ТИЙнинг 12- ва 16-бандларига мувофиқ тайёрланган Техник таклифи хати;
- ТИЙнинг 19-бандига мувофиқ тендер таклифини таъминлаш тўғрисидаги Декларация;
- ТИЙнинг 20.2-бандига кўра Тендер таклифини имзолловчи томонидан берилган Тендер таклифи киритаётган ташкилот ўз зиммасига мажбуриятлар олишини тасдиқловчи ёзма ҳужжат;
- ТИЙнинг 17-бандига биноан Тендер иштирокчисининг шартномани бажаириш учун малакаси етарлилигини тасдиқловчи ҳужжатлар;
- ТИЙнинг 16-бандига асосан Техник таклиф;
- Тендер маълумоти жадвалига мувофиқ бошқа ҳужжатлар ТИЙ, Тендер ҳужжатларининг 2-қисмида берилган.

8. Тендернинг нарх таклифи ТИЙнинг 11.3-бандида берилган ҳужжатлардан иборат бўлиши лозим:

- ТИЙнинг 12- ва 14-бандларига мувофиқ Нарх Таклифи Хати;
- Тендер ахборот жадвалида белгиланганидек, ТИЙнинг 11.3- ва 14-бандларига биноан ишлаб чиқилган Жамлама смета ва Нархлар жадвали;
- Тендер ахборот жадвалига мувофиқ бошқа ҳужжатлар.

9. Техник таклифнинг принтердан чиқарилган қоғоз ва электрон нусхалари устига ТЕХНИК ТЕНДЕР ТАКЛИФ, деб ёзилган битта конвертга жойлаштирилади. Молиявий таклифнинг принтердан чиқарилган қоғоз ва электрон нусхалари устига МОЛИЯВИЙ ТЕНДЕР ТАКЛИФ, деб ёзилган иккинчи алоҳида конвертга жойлаштирилади. Техник ва молиявий таклифларнинг асл нусхаларидан иборат бўлган ҳар иккала конверт устига "АСЛ НУСХА", деб ёзилган ягона ташқи конвертга ва асли билан бир хил бўлган иккита нусха устига "НУСХА", деб ёзилган иккита алоҳида ташқи конвертларда топширилади. Ҳар иккала нусха ҳам таклифларнинг асли билан бир хилда бўлиши лозим.

Пудратчи техник ва молиявий таклифларнинг ҳар иккаласи учун ҳам тендер таклифи ва барча қўшимча ҳужжатларнинг асл нусхаларини электрон шаклда тақдим этади. Техник таклифнинг электрон нусхаси Тендер таклифи ҳужжатларининг таркибий қисми сифатида берилган Тендер иштирокчилари шакллари — 1-қисмининг тўлдирилган электрон нусхасини ҳам ўз ичига олиши зарур. Молиявий таклифнинг электрон нусхаси Тендер иштирокчилари шакллари — 2-қисми ҳамда олдиндан дастурлаштирилган Жамлама сметанинг тўлдирилган электрон нусхаларидан иборат бўлиши шарт. Барча ҳужжатларнинг электрон нусхалари алоҳида компакт диск ёки хотира карталарида вируслардан холи ишлатиш мумкин бўлган шаклда тақдим қилинади. Агарда АСЛ НУСХА ва электрон нусхалар ўртасида тафовутлар мавжуд бўлса, АСЛ НУСХА устувор, деб ҳисобланади.

10. Тендер таклифлари Қурилишда танлов савдолари ва нархларни шакллантириш ҳудудий консалтинг Марказларининг тегишли бўлимлари томонидан тендерда иштирок этиш учун таклифнома эълон қилинган кундан бошлаб иш куни давомида (соат 10.00 дан 17.00 га қадар душанбадан жумагача) 3-бандда кўрсатилган манзилга топширилади. ТИЙнинг 22.1-бандига мувофиқ барча тендер таклифлари Қурилишда танлов савдолари ва нархларни шакллантириш ҳудудий консалтинг Марказларининг тегишли бўлимлари томонидан 22 февраль 2013 йил, соат 12-00 га қадар 3-бандда кўрсатилган манзилда қабул қилинади.


11. Агар Тендер таклифини топширишнинг охириги муддати миллий байрамга тўғри келса, муддат ундан кейинги биринчи иш кунигача узайтирилади.

12. Тендер таклифларининг очилиши таклифларни тақдим этиш муддати ўтгач, дарҳол 22 февраль 2013 йил соат 12-00да қатнашиш истагини билдирган тендер иштирокчилари вакиллари хузурида амалга оширилади. Тендер таклифлари очилиши қуйидаги манзилда жойлашган тегишли ҳудудий ҳокимиятлар биносига ўтказилади

Андижон вилояти ҳокимияти. Манзил: Андижон шаҳри Фитрат кўчаси 239-уй. Тел: (8374) 222-26-20 Факс: (8374) 222-26-20 Эл.почта: umum@andigan.uz	Бухоро вилояти ҳокимияти. Манзил: Бухоро шаҳри И.Мўминов кўчаси 1-уй. Тел: (8365) 223-11-27 Факс: (8365) 223-11-27 Эл.почта: info@buxoro.uz	Жиззах вилояти ҳокимияти. Манзил: Жиззах шаҳри Ш.Рашидов кўчаси 64-уй. Тел: (8372) 226-31-33 Факс: (8372) 226-31-33 Эл.почта: info@gizzah.uz
Навоий вилояти ҳокимияти. Манзил: Навоий шаҳри Халқлар дўстлиги кўчаси 77а-уй. Тел: (8436) 229-62-28 Факс: (8436) 229-62-28 Эл.почта: www.nv.uz	Қашқадарё вилояти ҳокимияти. Манзил: Қарши шаҳри Мустақиллик майдони кўчаси 1-уй. Тел: (8375) 221-03-04 Факс: (8375) 221-03-04 Эл.почта: www.kashkadaryo.uz	

13. Тендер танловлари бўйича қизиқиш билдирган пудратчилар учун очик семинарлар ҳар бир тегишли ҳудудий ҳокимиятлар биносига қуйида кўрсатилган вақт ва манзилда ўтказилади:

Форум очилиши 2013 й. 11 февраль Андижон вилояти ҳокимияти. Манзил: Андижон шаҳри Фитрат кўчаси 239-уй.
Форум очилиши 2013 й. 14 февраль Бухоро вилояти ҳокимияти. Манзил: Бухоро шаҳри И.Мўминов кўчаси 1-уй.
Форум очилиши 2013 й. 12 февраль Жиззах вилояти ҳокимияти. Манзил: Жиззах шаҳри Ш.Рашидов кўчаси 64-уй.
Форум очилиши 2013 й. 15 февраль Навоий вилояти ҳокимияти. Манзил: Навоий шаҳри Халқлар дўстлиги кўчаси 77а-уй.
Форум очилиши 2013 й. 13 февраль Қашқадарё вилояти ҳокимияти. Манзил: Қарши шаҳри Мустақиллик майдони кўчаси 1-уй.



КҮЙ (21.03 — 20.04)
Сиз ғайрат-шижоатли ва омадли инсонсиз. Рақобатлашиш ва галаба қозониш доимий шиорингиз. Аммо бироз жиззакисиз. Сизга аксарият ҳолларда панд бериб қўядиган бу нуқсонни йўқотишни маслаҳат берамиз.

БУЗОҚ (21.04 — 20.05)
Сиз имкониятларингизни, нимага интилаётганингизни, мақсадингизга эришиш учун нима қилиш лозимлигини жуда яхши биласиз. Келаётган ҳафтада сизни яхшигина даромадли иш кутмоқда.

ЭГИЗАКЛАР (21.05 — 21.06)
Ва ниҳоят анчадан буён хаёлингизда пишириб келаётган режаларингизни амалга оширишга киришасиз. Бунда асло моддий қийинчиликларга дуч келмайсиз. Сизни ажойиб янглик кутмоқда.

ҚИСҚИЧБАҚА (22.06 — 22.07)
Янги куч-ғайрат билан ишга киришинг. Ҳаммаслақларингиз билан елкама-елка туриб, меҳнат қилсангиз, марра сизники. Ишингиз ва дам олишни қатъий режалаштиринг.

АРСЛОН (23.07 — 23.08)
Мансаб пиллапояларида одимлашингиз учун хозир жуда қулай пайт. Гўёки, кимдир қўлингиздан ушлаб йўл бошлаб, сизга янги-янги имкониятлар эшигини очиб беради.

ПАРИЗОД (24.08 — 23.09)
Негадир сиз ўзингизни омадсиз инсон деб биласиз. Кўпинча ўз кучингизга ишонмай иккиланиб ҳаракат қиласиз. Ортиқча асабийлашманг, ишда ҳам, оилангизда ҳам ҳаммаси кўнгилдагидек.

ТАРОСИ (24.09 — 23.10)
Ишингиз кўпайгандан-кўпаяди. Шунга яраша мўмайгина даромад оласиз. Вазифангизни бажаришга улгуриш учун бир фурсат яқинларингиз билан мулоқотни йиғиштириб қўйишга тўғри келади.

ЧАЁН (24.10 — 22.11)
Иш излаётган бўлсангиз сизни қўлаб-қувватлайдиганлар бор жамоага жойлашишга ҳаракат қилинг. Акс ҳолда, ишхонангизни ўзгартирмасликни маслаҳат берамиз.

ЎҚОТАР (23.11 — 21.12)
Сизни ҳеч бир ишни эплай олмайдиганлар янглишади. Бироз тортинчоқлигингизни ҳисобга олмаганда, сиз юмушнинг уйдасидан чиқасиз. Ушбу ҳафтада буни исботлаш учун қулай вазият юзага келиши мумкин.

ТОҒ ЭЧКИСИ (22.12 — 20.01)
Ўзингизга бўлган талабчанлигингиз, ўзингизни ниҳоятда қадрлашингиз атрофдагиларни ғашига тегиши мумкин. Бу борада жамоатчилик орасида самимий муносабатда бўлишни маслаҳат берамиз.

ҚОВҒА (21.01 — 20.02)
Моддий аҳволингизни яхшилашга қатъий аҳд қилгансиз. Таваккал қилишдан чўчиманг. Гарчи оламшумул ютуқларга эришмасангиз-да, умуман олганда фаолиятингиз муваффақиятли кечади.

БАЛИҚ (21.02 — 20.03)
Келаётган ҳафтада молиявий аҳволингиз барқарорлашади. Ниҳоят ҳаётингиз изига тушади. Янги уйга кўчиш билан боғлиқ ширин ташвишлар кутаётган бўлиши ҳам мумкин.

ЭНИГА: 1. Лойдан буюм ясовчи уста. 4. Телесериал "...Барбара". 7. Ундан тайёрланадиган суюқ овқат. 10. Мансаб, амал. 11. Бол йиғувчи ҳашорат. 12. Дадамнинг ака-укалари. 13. Шеър қатори. 15. Термин. 16. Билимдон аёл. 18. Тузнинг форсчаси. 20. Ўзбекистондаги автомобилчилар шаҳри. 22. Хазонрезги фасли. 23. Бобурнинг шоҳ асари. 24. Тошкентдаги спорт маркази. 25. Торли мусиқа асбоби. 27. Чехия пойтахти. 28. Сайр-саёҳат. 30. Тошкент вилоятидаги дарё. 32. Ота, дада. 34. Охир, финиш. 36. Кўрк, виқор. 38. Ўзбекистондаги энг узун дарё. 39. Олмос ўлчов бирлиги. 40. Аёллар бош кийими. 41. Оддий, номураккаб.

БҮЙИГА: 1. Бош сўзининг синоними. 2. Таркибида қанд моддаси кўп бўлган полиз экини. 3. Хоразмча рақс. 4. Африка чўлларида эсувчи кумли шамол. 5. Энг узун дарё. 6. Ширинлик маркази. 7. Қадимий транспорт. 8. АҚШдаги штат. 9. Греция пойтахти. 14. "Сайқали рўйи замин". 16. Америка кино ижодкорлари мукофоти. 17. Ўйнасанг ҳар боб билан уривчи киши. 18. Носоз, бўлмағур. 19. Норвегия пул бирлиги. 20. Брайн ... 21. Машҳур актёр — ... Ҳидоятлов. 26. Эстрада гуруҳи. 29. Бола, ўғил-қиз. 30. Гуваланинг бўлаги. 31. Чидам, матонат. 32. Нон тури. 33. Пайғамбар. 34. Вориснинг мулки. 35. Содда ҳайвон. 37. Миллий валюта.

БИЛАСИЗМИ?



Французлар кабутарларни "учар каламуш" деб аташади.



Туякушнинг кўзлари унинг миясидан катта бўлади.

Бош муҳаррир:
Чори ЛАТИПОВ

МУАССИСЛАР:
Ўзбекистон Республикаси Вазирилар Маҳкамаси Агротехнология комплекси таркибидаги ҳамда шу тармоққа дахлдор вазирилик ва идоралар.

ТАХРИР ҲАЙЪАТИ:
Зафар РЎЗИЕВ, Улугбек УЗОҚОВ, Фарҳод ОМОНОВ, Эркин ҚУДРАТОВ, Муса АНОРБОВ, Абдихаб ТАМИКАЕВ, Маҳмуд ТОИР, Ҳабиб ТЕМИРОВ (Бош муҳаррир ўринбосари), Омонулло ЮНУСОВ, Анвар ҚУЛМУРОДОВ (Бош муҳаррир ўринбосари), Ренат НАЗАРОВ, Шерзод ҒУЛОМОВ, Муҳиддин АБДУСАМАТОВ (Масъул котиб).

ТЕЛЕФОНЛАР:
Қабулхона — 236-58-83, Котибият — 233-95-17, Аграр масалалари бўлими — 233-76-78, Ижтимоий-сиёсий ва ҳуқуқий масалалар бўлими — 236-56-30, Маънавият ва маърифат бўлими — 236-56-21, Хатлар ва жамоатчилик билан алоқалар бўлими — 236-56-25, Факс — 233-44-43, 233-28-04, 233-09-93.

ХУДУДЛАРДАГИ МУХБИРЛАР:
Қорақалпоғистон Республикаси — (+99890) 728-09-78; ВИЛОЯТЛАР: Андижон — (+99893) 630-73-03; Бухоро — (+99891) 247-29-59; Жиззах — (+99890) 297-44-09; Навоий — (+99891) 537-14-36; Наманган ва Фарғона — (+99890) 278-95-87; Самарқанд — (+99891) 537-24-95; Сирдарё — (+99894) 168-23-60; Сурхондарё — (+99890) 519-86-50; Тошкент — (+99890) 976-39-58; Хоразм — (+99890) 438-71-25; Қашқадарё — (+99891) 635-08-03.

Реклама ва эълонлар:
236-58-83, 233-28-04.

Реклама ва эълонлар матни учун буюртмачи жавобгар

ISSN 2010-7023

Ўзбекистон Матбуот ва ахборот агентлиги томонидан 2009 йил 13 февралда № 0020-рақам билан рўйхатдан ўтказилган.

Навбатчи муҳаррир:
А.НУРУЛЛАЕВ

Мусахҳих:
А.ЭЛМУРОДОВ

Дизайнер:
М.СОБОММУХАММЕДОВА

Газета сешанба, пайшанба, жума кунлари чиқади.
Буюртма Г-114, ҳажми 3 босма табоқ.

Офсет усулида босилди, қоғоз бичими А-3.

Манзилимиз:
100000, Тошкент, Матбуотчилар кўчаси, 32-уй

E-mail:
info@qishloqhayoti.uz
qh02@rambler.ru

Босишга топшириш вақти: 21.00
Босишга топширилди: 22.50
24660 нусхада босилди. Нашр индекси — 144

Газета тахририятнинг ўзида компьютерда терилди ва саҳифаланди.

"Шарқ" нашриёт-матбаа акциядорлик компанияси босмаҳонасида босилди.
Манзили: "Буюк Турон" кўчаси, 41-уй.

1 2 3 4 5